

皇

明

史

概

皇明大政記卷之十五

臣朱國禎謹輯

恭仁康定景皇帝正統十四年九月

上卽皇帝位大赦改明年爲景泰元年

御諱漸王金

章皇帝次子母賢妃英氏宣德三年八月三日生十

年 章皇帝崩 英宗卽位二月辛亥冊爲郕王正

統十四年 英宗北征命爲監國土木 駕陷廷臣

以國籍長君請 皇太后立監國爲 皇帝從之王

座入奉天門左受朝庚辰 皇太后遣太監金英傳

旨 皇太子冲幼未能踐祚理萬幾郕王年長宜早

正大位安國家群臣交章勸進擇日行禮九月六

癸未卽位尊

上爲太上皇帝 頒詔大赦 書諭諸王 分諸將守

紫荊鴈門諸關 減四川官茶之半 虜大掠遼東

鎮撫等官各罰俸半年 宥顧興祖死 重陽節免

真 陞邠府兩長史儀銘禮部左侍郎楊翥兵部左

侍郎俞綱而下有差 免本年壽節其各處朝賀仍

舊 造戰車 郭登鎮守大同 陞按察使軒輓副

都鎮浙江 癸巳都指揮僉事李鐸奉 皇太后命

以貂裘等物至 上皇行帳奉獻報邠王某月日卽

位及立皇太子 虜即日奉 上皇爲皇帝拜賀次

斷頭山 祭土木陣亡官軍埋瘞屍骨 召安遠侯

柳溥于廣西 軍匠老疾者減支月糧優以輕省差

撥 通事指揮李讓詐傳 上皇聖旨 且妄言惑衆 命郭登審切

處置 京邊署職都指揮以上俱實授 廣東賊黃蕭

養作亂 停各處清軍御史 辛丑勅各邊招募壯

士 內地者曰民壯 降衣甲旗幟新製 以別于舊爲虜所獲者 陞給

事中孫祥兵部郎中羅通俱副都通守居庸祥守紫

荆 補各哨官 也先遣使來朝奏事實賜之 戶

部侍郎孟鑑撫廣東 宣諭各處達官頒賞 侍講

徐理等兼御史分道招兵 前成山侯王通爲都督

僉事守備九門 陞李鐸都指揮使使迤北奉書

太上皇并與乜先書

黃簫養圍廣州

安鄉侯張安兵敗溺死別

將馮清爲所縛不屈死

貴州平越衛久爲苗寇所圍靖遠伯

王驥益兵赴之 瓦剌使辭歸賜乜先并其弟及部

落有加 十月戊申朔 太上皇在北 虜悉衆奉

上皇至大同知府霍瑄出見獻鷲酒等物 上皇密諭

瑄命郭登固守 掌鴻臚侍郎楊善改左副都協守

京城 陞左叅議楊信民僉都捕賊廣東 勅山西

鎮撫往鴈門哨守 大庾縣賊平 少監破兒干伏

誅一日小田兒土木降虜來使者

造賞功牌分奇功頭功齊力三

等 監生練綱條八事請京軍堅守親王大舉入援

納之

綱尋授御史

虜擁

上皇至紫荆關北口

夜狼

星搖動

釋忻城伯趙榮

都督劉聚僉都張楷被

劾免官

申明大營軍令

頒擒斬七先等賞格

孫鏜率兵赴紫荆

將行關外駐城外

陞南兵部侍郎徐琦

為尚書叅贊

勅兵部尚書于謙總督各營軍馬

釋廣寧伯劉安

命顧興祖劉聚俱領兵殺賊

分諸將兵二十二

萬陳京城九門外以石亨總之

按察使曹泰守倒

馬關 禁拆毀城外居民房屋

刑部侍郎江淵叅

孫鏜軍事 丙辰勅帶甲軍即日不出門者斬 給

事中程信王竑同都督王通都御史楊善守禦京城

虜破紫荊關孫祥死之 促宣府楊洪將兵二萬

遼東副總兵焦禮施聚將三萬入援 白羊口兵潰

通政謝澤死之 駙馬焦敬巡皇城四門督兵嚴備

勅山東西河南陝西各收保率兵來京策應 虜

過易州奉 上皇次良鄉 戊午 上皇在蘆溝橋

命袁彬作三書一奉 皇太后一致 皇帝一諭

羣臣守城力戰岳謙同虜使納哈出至彰義門謙爲

官軍所殺納哈出奔還也先遂列陣至西直門 勅

于謙都指揮而下不用命者立斬以聞 己未虜焚
三陵祭器擁 上皇登上城索大臣出迎陞通叅王
復爲通政中書王榮爲太常少卿出見復遣再索大
臣于謙石亨等不遣 是日大雨雪夜大風雷電

庚申陞給事中王竑爲僉都督孫鏜軍務 勅永平
僉都鄒來學率兵二萬人援并調陝西河州土兵諭
朝鮮女直會兵殺賊 石彪率所領兵自涿州策應
于謙石亨擊虜德勝門外破之斬其弟李羅平章
那那孩孫鏜戰西直門斬先鋒數人虜益兵圍鏜毛
福壽高禮來援皆力戰禮中矢死石亨亦分兵至虜

引退都督王敬武與都指揮王勇往彰義門合兵與

虜戰却之內官爭功躍出陣亂敗走與中矢死援兵

至乃退 晝生蒼白雲一道四而亘天復化爲三夜

雲中見月生蒼白暈奎婁界三宿俱在暈內 羅通

楊洪自居庸關以萬人來援虜攻關擊却之 促江

淵等赴孫鏗軍 壬戌虜奉 上皇由良鄉西走大

掠 賜書七先并勅知院伯顏帖木兒送回 上皇

進石亨武清侯加于謙少保 欽天監正彭德清

死獄中仍斬其首

以附王振陞天文不奏
從征不擇地利駐師

增各城

兵馬指揮十員

楊俊襲虜居庸關走之

癸亥

駕過易州 西南赤黑氣如火烟更化蒼白氣重疊

六道徐徐北行而沒 甲子 駕出紫荆關 發御

馬監馬駕戰車 應城伯孫傑棄地坐斬令隨石亨

立功 贈侍講劉球爲學士諡忠愍永豐知縣鄧顥

爲光祿少卿諡恭毅賜祭立祠 止各藩府永平遠

東勤王兵 脫脫普花土遣使來朝宴賞加厚開也先敗

退不敢入關 召昌平伯楊洪入京 九門提督文臣回

任理事 辛未 駕出貓兒庄北行 楊洪等擊易

州零虜破走之 指揮魏真臨陣逃避卽軍中斬以

狗 修三陵祭器 塞居庸以西一帶山口 江西

巡按胡淵勦賊未平擅回下獄 侍講劉定之吳節
並上備邊十事 十一月丁丑朔 上皇在北 瓦

刺使回致書可汗 詔南畿浙江造盔甲九十餘萬

逮問各關失守僉都段信按察使曹泰等 已卯

減秦寧衛使臣供給 指揮同知石彪鎮保定搜殺

達賊 獲虜謀三人斬之

二善寧家奴一忠勇伯把台麾下皆降於虜者

庚辰夜黑雲一道東西亘天濶五尺 增畿內巡按

二員 加寧陽侯陳懋太保平江伯陳豫進侯 調

刑部尚書金濂千戶部改陞右都俞士悅于刑部召

陳鑑掌都察院 甲申以虜退詔天下 諭各王府

進馬仍給價值 陞緣邊總兵諸將 保定伯梁瑤

論斬

討福建賊未平而歸石亭處立功

宣府叅將紀廣擊零虜破

之盡收所掠而還 京營官直操日免朝叅 進昌

平伯楊洪爲侯 召居庸都御史羅通宣府總兵呂

平侯楊洪父子以全軍還京管卽以通叅贊楊洪軍

務

從尚書學士陳循之奏

已丑西方起黑氣北行久之始散

王通守天壽山 左都督毛福壽往辰州剿賊給

事中劉清贊理軍務 勅雲南巡撫侯璉往貴州總

督軍務以副使鄭顥代璉

從王璣之請

考覈差回御史

增納草價銀 尚書于謙給事中葉盛以羅通楊

洪召還請固邊開擇人守禦從之 製小戰車及兩

頭銅鏡 壬辰虜奉 上皇至瓦剌老管 癸巳

上皇至蘇武廟 陞朱謙左都督佩印總兵鎮宣府

紀廣楊俊充左右叅將副之 安撫各處流移 丙

申僉都王茲鎮居庸開贊朱謙軍務 河間蕭啟保

定祝暹真定陸矩臨清孫曰良各開府鎮守 浙江

太監李德許銀場御史李俊兩釋之 增巡河御史

二人爲四 河南都指揮僉事黃信赴援淹緩論斬

死于獄 侍講倪謙給事中司馬恂頒詔朝鮮 盡免

順天畿南四府糧稅 乙巳冬至節停陵祭

祭器未具

上皇壽節免羣臣賀 陞修撰王恂為大理寺丞撫

貴州

初名振嫌與
逆振同名改

停宿衛日賜頭腦酒 予通政

使謝澤祭葬 十二月丁未朔

庚戌尊 皇太后為上聖皇太后 南史尚書趙新撫

南直隸副都洪英撫山東 靖遠伯王驥勦貴州苗

賊 論紫荊關失守之罪 召官聚還 癸丑尊母

賢妃吳氏為皇太后 彗星見 甲辰立妃汪氏為

皇后 皇太子母周氏為貴妃 上皇后錢氏徙居

仁壽宮 御史七人分往清理陣傷逃歸官軍 捕

畿內假達劫掠者 丙辰彗星復見至乙亥滅 郡

王而下喪禮止中官或有司致祭免遣行人 昌平

生員馬孝祖言四事納之一養聖心一隆大臣一戒遊食一恤臣下 分

諸將爲三大管石亨楊洪各統四萬佛簿二萬號勇三千爲遊兵訓練待戰 聽

選知縣恭通言四事一經筵虛套宜召翰林德望官人待細問一各衛官散漫不備

宜召集訓練一千京城百里外集外衛軍再建大營四所一議迎復先治兵行間下會議 庚申

大同總兵郭登上言兵事當養銳不當浪戰可用智不可力爭 議行頒

示諸將 下侍郎章瑾于獄先降用投赦例徑自以原職謝恩出獄三日死

選翰林講讀官 取廣西花牌軍禦虜柳澤之奏 補

鑄各衙門銀銅印 虜寇大同擊却之 論祭西直

門外陣亡官軍 除豁各處運銀米被虜劫者 辛

未加王文左都仍鎮陝西 虜屯邊外選精兵夜出

劫之 廣西徭賊焚電白縣 金木二星合于尾宿

給事中劉斌上封事嘉內行之 衛經歷袁斌自

請入虜問安 上皇

斌先隨軍土木疏請留軍宣府不報至是請同通事深入議行

物責廣東巡撫楊信民促副總兵董興進討仍調

兵益之

時廣州圍三月不解

乙亥 上皇書至

與 皇帝及羣臣社稷爲

重朕自有回日不必顧慮

治陝西失事都指揮劉震罪

都督王喜先殺

死震益兵以往遇虜懼而逃免

召募兵御史徐理等回京復原任

景泰元年庚午正月丁丑朔 上皇在北 上御殿免

賀 分兵鎮涿州 選河間東昌達官往貴州勦賊

平江侯陳璘守臨清 分廷臣協守紫荊倒馬白

羊諸關口 開粟馬入監之例 查邊城逃散軍士

給糧餉遣將復歸守備 築城天壽山南駐 陵軍

移昌平縣治于內 調兵守易州 彭時乞終母喪

忤旨去 勦邊將盡守外邊堡塞 壬午彗星出天

市垣 石彪以精兵赴大同 丙戌郊 祭告諸陵

歷代帝王先師海鎮岳瀆 諸總兵官同兵部戶部

官計議戰守方略 益兵討福建沙尤二縣逋賊

買官民自用良馬給各營騎操 分管兵東西直門

阜城門外煇練

教場窄狹
不亨奏分

廣東軍回廣西策應

閩賊破清流縣 石亨楊洪各上言軍事 賞遼東

赴援官軍 選達軍征廣東福建賊各衛所留住守

禦江西巡撫楊寧之奏 軍人王貴還自虜中報阿剌知院往

遼東也先往陝西 徐溝妖人王文簡伏誅 宣大

督餉羅亨信告老去尋以任寧代 下鴈門關都督孫安

于獄于謙所劾 閏正月丙午朔 上皇在北 嚴迓軍

之禁 叅贊副都羅通疏陳軍情少保于謙奏辯下

廷臣會議得 旨同心協力不許猜嫌妨兵務 祀

宋臣岳飛于湯陰徐理所奏 凡官較緝捕者許爲辯理

停兩京文武官食鹽 刑部侍郎耿九疇理兩淮

鹽課浙鹽以浙副都軒輓兼理 下都督孫鏗于臺

獄尋釋之 增築紫荊關城 減各城兵馬指揮

浙江安吉縣梅富等越寧國縣劫掠尋擒之 陞布

政劉廣衡副都鎮陝西 增鄉試分考各專經闕卷

府尹王賢之奏 丁卯何文淵召至京改吏部左侍郎 築

倒馬關內城 大理寺丞薛瑄運餉貴州 大同總

兵郭登敗虜于沙窩再敗之 栲栳山封登定襄伯

許巡撫官帶家屬給米贍之 給事中李寶之奏 羅通輟院

事專參贊 邊將棄城者必殺 京城外立墩臺瞭

望 二月丙子朔 上皇在北 戊寅耕藉田 孫

原貞風變上封事 癸未開經筵 指揮趙輔會薦

陞都指揮僉事管京操 禁各關採伐樹木 分廷

臣操練各處民壯 丙戌武清侯石亨佩鎮朔大將

軍印三萬人出紫荆關往大同都指揮同知楊能充

遊擊將軍萬五千人出居庸關往宣府巡哨 悉召

浙江銀場官還京命有司守護 再益各關官軍以

顧興祖督之 增南京堂上官各一員 左都陳鑑之奏 河

南鎮守內臣李琮下獄 雲南千戶傅洪伏誅 盜銀場爲

參贊侍郎侯璉所發集兵入司殺璉璉走免 辛卯清明節停陵祭 朝

鮮貢馬五百受之未至者停 先令獻馬二萬匹 壬辰太監

喜寧伏誅

都督范廣協衛賴總統大營

丙申

上皇第四子見淳生

宥孫安隨楊洪調遣

定貴

州囚犯減納米例

勅各處撫按三司招避寇逃民

復業緝捕劫掠為患者

三月乙巳朔

上皇在北

虜自朔州入寇都督杜忠邀破之 官土木死事

諸臣子有差

癸丑都督范廣副都羅通督軍巡哨

宣府 討廣賊吳長能等破斬之

再益兵守居庸

關 虜退范廣等駐居庸候進止

戶部大議軍興

各項裁減 虜分道人宣府諸將禦却之

加大回

參謀洗固右都御史

停採畿南野味

勅諭安南

占城息兵放回所擄占城軍民 節婦齊氏 大賞

去年京城關隘却虜將士 募民納米給軍 大理

評事曹恩自陳願讀書翰林許之 改編修鼎之子也 岷王

梗薨

高第第十三年七十三

致仕祭酒李時勉請討虜并陳

方略嘉俞之 時勉尋卒 四月甲戌朔 上皇存北 召

浙江鎮撫官還京 大同兵戰虜酋虎察擒之 何

文淵請罷貴州二司報寢 保定侯梁瑤討貴州苗

賊 召王驥還京 大同總兵許貴請許虜約和尚

書于謙議寢詰責之 癸巳大祭神祇陵廟 分大

將益兵鎮易州涿州真定保定通州 于謙之奏 給還王

通沒官家產 五月甲辰朔 上皇在北 內官尹

鳳鄭善使朝鮮

祭故王李瑄
冊新王李瑍

允羅通班師 召楊

俊還京

以醢暴
被劫

虜犯山西

又自代州而南從
易州官軍赴之

貴

州兵征苗走之

速解平
越之圍

設紫荊倒馬白羊三千戶

所 虜營鴈門關大飭京師守備 虜入宣府總兵

朱謙戰却之 遊擊石彪破虜於威遠城 黃蕭養

攻廣州城射殺之 辛酉浙江副使陶成討蘭溪賊

戰死

贈參政麻
其子鼎

陞貴州督軍兵部左侍郎侯璉爲

尚書

時賊漸
平尋卒

召大理寺丞羅綺復職 阿刺知院

貢馬請和賜書諭之 南京雷電大雨 節婦十二

人 六月癸酉朔 上皇在北 諸大臣請因虜求

和奉迎 上皇令更詳議勿貽後患 聞賊餘黨羅

不等就擒并被大良賊巢 虜入大同郭登擊却之

丙戌虜擁 上皇至大同 郭登設伏邀 不果虜爲遁去 寫 太

監金英多支官鹽都御史陳鑑王文失糾劾皆下獄

尋宥 虜人宣府總兵朱謙戰却之 大同叅將許

貴兵破虜虜復犯懷來等處 副都羅通鎮山西 道

于謙同行謙遂辭行 上不許仍以命通 少保于謙分派各營守城將

官繪圖上進報以慎重行事 停大臣保舉新例

阿剌知院再請入貢許之 大同總兵郭登送七先

使臣于京

至若唐國詔李實賈賚之送與俱往免其至京

七月癸卯朔

上皇在北

禮部侍郎李實少卿羅綺指揮馬顯偕

阿剌知院使臣完者脫驪等同往迤北勒可汗及也

先脫脫普花王入貢 湯和曾孫胤勛爲錦衣百

戶隨總兵辦事

尚書周忱之薦

瓦剌使臣復來議和 貴

州反賊阿趙伏誅 瓦剌使臣乞朝使同往大臣覆

請得 旨俟李實還處分 給奪獲達賊馬價 獎

諭鎮國將軍範址孝行 右都御史楊善工部侍郎

趙榮爲正使都指揮同知王息正千戶湯胤勛爲副

偕瓦剌使臣同往

癸亥侍郎李實及也先使把禿

等至自瓦剌願奉 上皇還京諸大臣請奉迎有旨

李實方回楊善已去不須遣使但以迎復意宣示也

先 下千戶龔遂榮于獄

投匿名書請奉迎

文武大臣復

請迎 駕令再議以聞 裁廣南府流官同知知事

檢較官 李實再請迎復報如前 瓦剌使臣把瓦

還勅諭也先送回 大駕 文武大臣請李實在使

奉迎報如前 御史畢鸞亦以爲言不報 禁邊城

無得徵私負 重命御史一年差換

先以軍興三年換

檢

討邢讓請留虜使與李實同行報以急來遲迎未

晚 城臨清 己巳楊善至虜營 庚午善等見

上皇也先設宴奉餞 辛未伯顏帖木兒致餞 八

月壬申朔 上皇在北 副都馬昂致仕 保定伯

梁瑤擒賊首濟通良等 癸酉 上皇駕啟行 陝

西令史賈斌進忠義集四卷受之 遼東破虜 庚

辰禮部具迎接朝見 上皇儀注 太常少卿許彬

往宣府奉迎 用驛一馬二 辛巳虜衆護 上皇至野狐

嶺始辭去仍五百騎送京師 是夕蹕宣府右衛城

外官廳 壬午宣府都督朱謙及其子永都兵迎

上皇蹕行殿 癸未尚書學士高穀議引唐肅宗迎

上皇故事以聞 許彬至行殿命寫罪已勅諭文武

群臣仍遣祭土木陣亡將士 甲申侍讀商輅往居庸奉迎 上皇命總兵朱謙宴賞隨 駕達于即發 乙酉 駕至居庸關商輅入見令寫書與 皇帝諭就退閑并詔論文武羣臣 至雙泉舖以御衣及 也先所獻戰裙賜袁彬

丙戌 上皇還京 帝迎見東安門 奉入南宮百官行朝見禮 庚寅祭告神祇宗廟頒詔大赦 右侍郎江淵兼學士內閣辦事 壬辰加楊善左都王息而下賚銀幣 癸巳宴奉駕使臣 王竑有疾還京

以蕭
謙代

甲午

上皇宴使臣于南宮

乙未陞賞使

臣有差 苗賊富鼎等伏誅 尚書學士苗衷致仕

陞其子學正 授為御史 傳編 九月壬寅朔 上皇居南宮 山

西河南左布政楊鼎年富各管運糧 以王驥為南

兵部尚書恭贊 築通州大運西倉城 甲午武清

侯石亨昌平侯楊洪世襲 宣府總兵朱謙封撫寧

伯 官軍製獨輪小車 都指揮 命李進所奏 定關部行移

文式 部堂會書用印內閣移各堂上如之務各司孔日會名開臣刑案用印陳循之請 內

臣馬慶往大同代鄭公還京 公與郭登不和代之 脫脫普花

王遣使朝貢 陞河南巡撫王來為右都總湖廣軍

務 補給忠勇伯蔣信祿米 信即把台從上皇虜庭者 甲子南

吏部尚書魏驥致仕 陞七先使臣官 減四川中

鹽例 都督毛忠通虜赦不誅 南祭酒陳敬宗致

仕 十月辛未朔 復河間縣學 先以虜患併府學 下旨

安府祀前侍講劉球于忠節祠 設校趙永言之奏 設京城

內外捕盜武臣 理鹽侍郎耿九疇兼撫鳳陽等處

檢討管助教事李珙乞褒崇祭酒李時勉議行

都督孫安修復獨石馬營等處邊城 獎鎮國將軍

範埴孝行 甲午七先使臣克昂入貢凡三千餘人

嚴兵爲備 少保于謙上備邊三事 陞李實右都

撫湖廣 革南京監倉主事 廣東兵擊苗賊破之

十一月辛卯朔 浙江鎮守兵部左侍郎孫原貞

進勦溫處叛寇母憂令視事賊平奔喪尋擒斬賊首

陶得二等降勅獎諭令搜捕餘黨 江西重行均徭

法給事中全 辛亥 上皇壽節禮部請行賀禮報

免 甲寅也先使臣薛歸賜書賞賚克昂校都督同知陸各有差

陞沐璘都督同知鎮雲南時沐璘已卒 靖遠伯王璘

世襲 諭虜使悉還所略人口給絲幣表裏賞之

脫脫普花王入貢 荆王瞻埒請朝 上皇不許

十二月辛未朔 苗賊劫湖廣安化湘鄉二縣 城

良鄉縣尋罷之 三陵靈座祭器完遣寧陽侯陳懋

祭告 禮部請朝 太上正旦報免 停提學憲臣

景泰二年辛未正月辛卯朔 上皇在南宮 僉都鄒

來學提督修守各處關隘 始命科場官親屬迴避

給事中全達之奏

考察入覲官 南京山川壇井醴泉出

保定伯梁瑤右都王來討湖貴苗屢破之 南京

震雷大雨 御史練綱巡鹽兩淮 旌晉府襄陵王

冲炆孝行 二月庚午朔 辛未 駕幸太學 令

會試取士不分南北 吏部郎中李賢上中興十策

分大營軍爲二班

以一同所在休息限期後班換

禁被兵地方

輕革學校 南都御史陳勉大理寺丞薛瑄致仕

也先入貢

兩京災變勅羣臣修職

前京大風雨壞報恩塔北京星

變

錫衣衛接

皇后懿旨埋京城外戰亡骸骨

凡五

十八百有奇葬內官享堂之西慶祭之

賜少保于謙第

三月庚子

朔 策進士吳匯等二百一人賜柯潛劉升王俱以

下及第出身有差

侍郎學上江淵修撰林文圭考得鍾同馬文升余子俊王越林鶴揚

守陳泰絃高明越試卷大風飄去

右都督紀廣鎮宣府

時撫寧伯未諫已卒

防護口外倉糧

王竑賑江北諸郡

諸大臣請

報使也先俱不允

下廣州府祠前撫臣楊信民

府

民之奏

改吳匯等二十五人爲庶吉士

陞年富左

副都代右都沈固叅大同軍務并召還巡撫任寧

第

登之奏寧改副
使因致化去

謫中書舍人何觀外任 四月己

巳朔 申禁軍職理民詞 孫原貞仍鎮浙江 右

都陳鎰仍鎮陝西召劉廣衡還 湖貴總督梁瑾王

來縛賊首韋同烈班師 虜犯宣府馬營 諸大將

勒兵以尚書石璞提督先往宣府計議備邊 脫脫

普花王入貢 五月戊戌朔 庚子太白晝見 諸

大臣復請報使也先終不允禮部再請優給賞從之

停今歲巡撫官赴京

以災荒

壬子金星一日三見

昌平侯楊洪及其姪能俱鎮宣府

洪自請之

查周忱

妄費錢糧 山西布按官輪赴宣大收糧

以御史李璽主事黃

珠黃計往奏糧里家多消乏請四
石折銀一兩十石折一綵段從之

癸亥直省所造

軍器悉輸京師 鎮守臨清副都孫曰良病歸 械

福建太監廖秀于獄尋釋之 給事中金達劾尚書

周忱取回京 六月戊辰朔日當食不食 吏部郎

中李賢疏上戰車制度採行之 周忱自陳糧米正

耗本末以便宜支用科道復會劾以忱年老不問

尚書

金藻 劉廣衡理院事 召宣府提督尚書石璞還

京 廷推左侍 戊子頒詔安南 丙申夜大小流星

八十有五 河決沙灣 七月丁酉朔 尚書學上

陳循訐奏巡按周鑑命從公驗實 召少保于謙子

見入京

石亨所薦謀逆不允見王再辭授副千戶又辭皆不允

除左都王文

軍伍 癸丑京師地震 妖僧趙才興伏誅 儀制

郎中章綸言十六事 召王一寧仍侍郎侍經筵薛

暄仍大理寺丞管事 江混所薦 陞吏部左侍郎何文淵

本部尚書 時王直已病免常朝 八月丙寅朔 命巡撫官如

王文陳倣輪換例 以陳循言停王朔仍任揚裕代廣東巡撫孟璽 壬申南

京地震 王直請致仕不允 蔚州妖人吳伯通伏

誅 辛巳仍舊制午朝 周忱致仕 後再被劾不問 大同

巡撫年富再被王府訐奏命科道會覈 宣府總兵

楊洪回京治疾 復與國師禪師僧官酒食國師加

倍 四川僉都李匡叅雲南軍務 戶部侍郎李敏

撫江南 改御史印馬初用駢馬疾伯 陞侍講陳文雲南

右布政高毅 薦用 戒諭都御史王暹洪英治水無功 九月

丙申朔 定常朝內閣學士與錦衣官東西對立經

筵立尚書都御史之上午朝翰林院先奏事陳循之奏

給運糧軍淺船工本 昌平侯楊洪卒 申明奪情

之禁鄭中草 繪所奏 十月丙寅朔 調兵部侍郎項文曜

于吏部陞吏部郎中李賢爲兵部侍郎 石彪往宣

府巡邊 擢紹興教授孫曰讓爲禮部主事尚書胡濙所奏

罷科道錦衣衛巡各僧寺 減巡河御史二員停

南京捕盜御史 再覆陳循訂奏事情 減京師稅

課 復修宣大外邊城堡 七先貢使千六百五十一

二人貢馬三千三百餘匹 詔故官俸廩依舊全支

先以邊 麻陽教諭章泰言三事 設福建永安縣

分沙縣 僉都王竑巡撫鳳淮等處 時耿九 加紀

廣佩印鎮宣府 十一月乙未朔 尚書于謙等被

劾 揮軍據德勝門有疾 召羅通于山西協總大營

均派湖州田稅 孫原貞 寧遠伯任禮守備南京

給事中毛玉疏五事 十二月乙丑朔 廣通王

徽燂陽宗王徽燂通苗謀反廢為庶人 宣府侍郎

劉璉奸欺作弊爲管糧郎中李秉所奏命追完錢糧

區處 召貴州巡撫大理寺丞王恂爲庶子掌司業

事 先以修
拱陞

陞郎中李秉僉都叅宣府軍務仍督糧

代劉璉 給貴州討賊糧餉 福建賊悉平 加七

先使臣左都督等官 選官軍十萬分五營團操

之名始此
于謙有疏 復命御史許士達按福建 先與巡撫薛
希璉許奏御

史王素勸希璉
託奏故復遣 侍郎王以寧祭酒蕭鑑俱兼學士

內閣辦事 加內閣陳循高穀俱少保大學士 壬

七先弒其主脫脫普花王執其妻子以人馬給所

景泰三年壬申正月乙未朔加胡濙王直俱少傅罷

納粟補官例 宣府叅贊李秉請復屯田原額 蠲

廣平府逃戶糧二萬二千有奇 加王文楊善俱太

子太保 少保于謙請討也先報以按兵有倣區處

二月乙丑朔停差陝西禁茶行人 添遠東宣府

督儲布按官各一員 取回各處追馬官 也先來

獻捷 督還開平獨石等處逃避家口仍資給之

乙酉 上皇第五子見澍生 戶部尚書金濂下獄

以徵減免尋釋革太子太保調工部 召左都王翱

糧稅被劫於遠東寇濙往代 三月甲午朔 勅戒襄垣王遜

燁

評奏年宮不得行謀欲行
刑物論毋啓彙編犯法

李星見于畢

戊戌

陞都給事中葉盛山西叅政治萬全糧左給事中程

信山東叅政治遠東糧復金濂於戶部定給事

中居御史左命王府與有司官除令節壽節不許

會飲錦衣指揮同知采訪事情左都王翔

掌院事召禮部尚書儀銘於南京內閣侍郎江

淵巡視淮徐召左都陳鎰於陝西刑部侍郎耿九

疇往代四月甲子朔甲午集議易皇太子士

黃並叅贊南尚書王驥以老就閒命徐琦代羣

臣議上請立皇太子從之先置東官官屬普加大

臣太子保傅文二俸及兼詹府等官 五月癸巳朔

甲午立妃杭氏爲皇后長子見濟爲皇太子更封

上皇 皇太子爲沂王次見清榮王見淳許王大赦天

下頒賞文武官軍 石灣隄成 河決沙灣徑起海石

復大理卿蔡錫撫湖廣有罪勒明降參政 定風

憲官被訐以虛實去留之 陳循惡御史方彙令風憲

實者改辨 冊立賞親王公主各總兵太監 華武

學 設浙江宣平雲和景寧泰順四縣 六月壬戌

朔 免各巡撫入京事有應議奏聞 加孫原貞尚

書仍鎮浙江 大雨河復決沙灣 七月壬辰朔

給事中潘本恩行人邊永使占城祭弔冊封 罷兩

淮長蘆巡鹽御史命撫按官兼理 王朔總督兩廣

鎮守松潘侍郎羅綺破賊卓勞等斬之撫降餘衆

湖廣兵破苗賊 陞致仕禮部侍郎楊翥本部尚

書 朝鮮國王李珣卒

內官祭弔賜諡恭順
封世子弘暉爲王

江西

永新縣地陷十七處 八月辛酉朔 廣東兵破賊

殺御用少監阮浪 疏鎮江府河去新巷奔牛等

壩置石匣蓄水運船始直達於江

從浙江奉政
胡濬之言

大

臣分行考察官員 陝西大雨河決延安綏德等處

山東河南水災 王竑督漕 九月庚寅朔 陞

兵部郎中王偉爲本部侍郎

干謙所薦

學士江淵母憂

詔奔喪回任

辛卯南鎮撫司軍匠餘丁華敏列內

官十害報寢

左都王文巡視南京江淮山東河南

等處

災變京官支兩俸者停一

刑部郎中

覆陳循妄奏

重築沙灣隄岸

閏九月庚申朔

裁浙江二司官以下二十一員

復開處州銀場

開

礦盜將復起

十月己丑朔

復指揮同知畢旺於錦衣

先以事調復召之

召湖貴右都王來保定伯梁瑤還京

以地

方稍寧班師

取還保定僉都祝暹以易州僉都陳泰兼

之少保于謙請復管軍每月糧草從之

時戶部題議減革

七先入貢凡三千人仍奏求使臣往來及九龍段

匹等項不許 京營大將往宣府大同協總兵官備

虜傳也先將人寇仍命于謙石亨整飭大營待戰 申飭

考察事宜 山西叅政葉盛叅贊都督孫安守備獨

石等處 十一月己未朔日食 王文至南京會議

奏六事從之 壬午許王見淳甯 逮四川僉都李

匡下獄覆實斤為民 右都督楊俊請大舉伐虜少保于

謙覆寢 工部尚書石璞疏弭盜抹災事 贊軍叅

政葉盛上三事從之 戊子命錄誠意伯子孫 十

二月己丑朔 立團營選精兵十五萬分立十營營

置坐營都督訓練聽征餘皆守備少保于謙等議御史練

綱等上八事會官議行 召宣府僉都李秉回京改

通政蔣琳爲僉都代之 定布按正官京職三品以

上保舉餘俱吏部推選 給事中嚴誠御史練綱往

宣府勘撫鎮李秉紀廣互訐事後以細事不聞右都王來

兼大理卿保定伯梁瑤進爲侯左都督毛福壽封南

寧伯餘將士有差湖廣征苗功所遣考察官卽其地鎮

守 改舊都察院爲帥府 沈馬劉定之乞遣使報

虜令集議以聞 設廣東順德縣

景泰四年癸酉正月己未朔 陞遇興右都督總兵宣

府

時紀廣
已辛

召王文選京

給事中劉洙行人劉春

使暹羅弔祭冊封

直隸捕盜御史諸官較還京

其

撥民也

停楊俊巡哨宣府

隸屬奉其先業
獨石難與共事

河復決

沙灣新塞南隄

二月戊子朔

湖廣盜

以起仍命

梁璠王來督軍討之

陞土酋黃竑都督

以知

給驛
至京

留之賜第費勅赦其子弟取家屬同至並事原

減近侍并內府各辦事人

日給酒肉

改左都主文吏部尚書兼學士內閣辦

事 乙未

皇太子宥

都給事中林聰請禁非重

事奪情者嘉納之

右都督楊俊有罪下獄尋宥死

降用

乙卯寇沂王榮王

三月戊午朔

分外衛

備操軍爲兩班輪赴京師 裁減各處糧 召兩

廣總督王翺還京 禮部侍郎鄒幹往濟寧徐州等

處賑濟 四月戊子朔 復築沙灣決口畢工 江

淵還內閣 起右副都馬昂總督兩廣 五月丁巳

朔 詔巡撫侍郎李敏均定應天等府官民田 工

部尚書陳恭致仕 王文本憂奔喪回任 吏部尚

書何文淵病歸仍需復任 命御史從巡撫官理事

尋罷之 取回陝西管糧叅政易副使管事 沙灣

大雷雨復決漕舟悉阻不行 六月丙戌朔 吏部

尚書何文淵左庶子周旋下獄 文淵致仕 改王翺

旋復職

為吏部尚書 遼東戍卒李福惠妖僧王海等伏誅

停武職納豆陞官世襲之例 松潘諸寨平 復

浙江按察使陳瓌職 浙江鎮守右都洪英還京

不備

憲體 七月丙辰朔 副都羅通進將傳要略 仍

命尚書石璞治沙灣決河 調南工部尚書王永壽

於工部 復差兩浙巡鹽御史 陞蕭維禎左都羅

通右都 右諭德徐理更名有貞 改王來南工部

尚書 八月乙酉朔 洪英至京下獄致仕

考察不
公風紀

不 召薛瑄於南京仍大理卿 定襄伯郭登有疾

徵還都督同知郭震代 九月甲寅朔 左都陳鑑

致仕 定會試分考用科第有學行者不許兼取教

官 改耿九疇副都仍鎮

侍郎鎮陝西
文移不便改

十月甲申

朔 陞諭德徐有貞爲左僉都治沙灣河 也先入

貢自稱添元元年大元田盛可汗使臣一千一百餘

人

先年三千
二百餘人

十一月癸丑朔

辛未皇太子見濟

薨謚懷獻 右都蕭維禎毋憂奪情 十二月癸未

朔

景泰五年甲戌正月癸丑朔大覲視朝 會試仍分南

北中 甲戌平江侯陳豫侍郎學士江淵往山東河

南安撫軍民條十事行之 申嚴科場冒籍之禁

淮河東海冰結四十餘里 二月壬午朔 七先使

回復書稱瓦刺可汗 工部尚書王永壽巡撫湖廣

代右都李寶還京

寶擅威福人情不安

鎮遠侯柳溥復鎮廣

西 召南京兵部尚書張鳳於戶部 三月壬子朔

策貢士彭華等三百四十九人賜孫賢徐溥徐謩

以下及第出身有差

學士商格洗馬李紹圭考得張亨丘濬何喬新楊瓊耿裕節廷

改丘濬等十八人爲庶吉士

四月壬午朔日食 貴州兵大破四川草塘賊黃

龍韋保等擒之 補州平召還巡撫蔣琳總兵方英

定私茶禁如鹽法事例 大隆福寺成

擇日臨幸太學生備

法諫

大學士高穀往鳳陽南京祭告諸陵

以災異特遣

大理卿薛瑄請放進士依親不許 五月辛亥朔

谷庶人賦燉眷屬七人齊庶人賢燉眷屬六人俱

南京安置 少保于謙奏郎中陳汝言陳金守備倒

馬關被劾不問 李實理院事 御史鍾同疏邊事

命集議以聞 庚申禮部郎中章綸御史鍾同下錦

衣獄

同先請後東宮後入繼言故也

六月辛巳朔 長洲縣賊許

師道等伏誅 進士楊集除六安知州

以易儲上書王文壯其牒

籍特與知州進士

加王文少保東閣大學士 七

月庚戌朔 南大理少卿廖莊疏請朝 上皇立東

官不報 太子太保兵部尚書儀銘卒 少保陳循

等修天下地理志省直采事蹟以聞 誅妖僧南浦

方瑛封南和伯蔣琳加左副都敘草
塘功 八月庚辰

朔 列真人班於祭酒之下 定倉官放支盡者給

由任內納欠數聽繼任官收受 雲南送思機發等

伏誅 吏部侍郎李賢進鑑古錄詳音鑑
詳頒賜 錦衣千

戶劉泰坐斬信僧官進秀誣告
人妖言虛反坐 九月己酉朔 十

月己卯朔 右副都劉廣衡巡撫浙江福建以鄧茂
七葉宗

留解憲
未盡 宣大報七先爲阿刺知院所殺詔嚴備

十一月戊申朔 立南京試院應天府請繕設
指揮統綱房 寬

京營班軍之期

以虜使
稍息

僉都徐有貞上治河三策

行之 十二月丁丑朔

巡河工部侍郎趙榮還京

專任徐
有貞

都給事中林聰以御史黃溥誣奏擬斬尋

宥之降學正 練綱降判邠州

景泰六年乙亥正月丁未朔 改永平副都鄒來學巡

撫蘇松四府并嘉湖二府水利 調工部尚書石璞

於兵部協部事侍郎學士江淵爲工部尚書 二月

丁丑朔 增孔廟兩廡祭品舳鼓 三月丙午朔

舉到人才不係經學者吏部自考 四月丙子朔日

食 霍丘縣妖民趙玉山伏誅 上皇第六子見澤

生

憲宗同母弟

給事中嚴誠行人劉儉冊封琉球

五

月乙巳朔

徐有貞奏運河疏濬功成 貴州左布

政范理奏原籍府縣官賢否欲黜陟之被劾下法司

論罪

召劉廣衡還

六月乙亥朔

處州反賊祝

嶽戴等悉平

河決開封府高隄

各開荒田悉令

從輕起科

戶部尚書張鳳之奏

閏六月乙巳朔

辛亥午門

朝鐘忽失聲易之

令廷臣議事會內閣科道 七

月甲戌朔

勅內閣照朱文公通鑑綱目續纂宋元

一書

沙灣口工完

給事中徐正有罪戍邊 甲

申擢監生俞誥爲給事中

侍郎俞山疾歸請官其子授之

八月甲

辰朔 左都蕭維禎考察諸御史降職十二人 庚

申杖南大理少卿廖莊八十謫驛丞并杖郎中章綸

御史鍾同同死杖下 設福建寧壽縣 九月癸酉

朔 永嘉太長公主薨 高皇十二女駙馬郭鎮年八十 壬寅命宋

儒程頤後克仁爲五經博士世襲奉祀并命建先賢

顏曾宋儒周敦頤朱熹祠于孫世襲如程子 朱裔孫挺周裔

孫 十月癸卯朔 大名府野蠶成繭 定尚寶司

中書舍人六科行人司仍舊從吏部考覈 正統後誤依在京堂

上官例 編修黃諫上大明鏡歌鼓吹十四曲頌 今改正

太祖 太宗功送翰林院收之 十一月壬申朔

乙亥設兩直隸督學御史以華巒張鑑為之

以無按察官從

都給事中李讓之請

南和伯方瑛總兵湖廣討五開苗賊

減南京監倉御史一員 廣東巡撫侍郎揭稽下臺

獄 故勤平人薛和府

衍聖公恤典照一品例 十二月壬

寅朔 益孔廟贖田 孔弘緒襲封衍聖公

景泰七年丙子正月庚午朔 尚書石琚撫安湖廣 以

兵擾動軍民也率督軍

遠東撫按李秉賈恪互訐給事中劉

燾往勘 以邊事未寧姑置之 二月庚子朔 朝鮮國王李弘

暉有疾讓位於其叔璵許之命內臣冊封 造陝西

試院 悉召捕盜御史諸官較還京 庚申 皇后

抗氏崩謚孝肅 營建壽陵 三月庚子朔 兩廣

總督昂倖斬賊首劉三仔等 命誠意伯七世孫

祥爲五經博士奉祠世襲 四月庚子朔 免編修

劉宣軍戶 乙卯思任發子思卜發入貢祈哀宥而

賜之 平定州妖人趙能伏誅 壬戌彗星見東北

方 五月己巳朔 寰宇通志成 六月己亥朔

疏杭州西湖 鎮守尚書孫原貞之奏 丁未 上皇第七子見

浚生 彗星三見 妖人李珍等伏誅 河南大雨

河決 虜酋阿剌知院爲部下所殺 七月戊辰朔

南京大風而山川壇各廟災 祀天壽山於北嶽

壇

鐘山厚祀
南嶽壇

罷福建糧長以里甲催徵

陞太僕

少卿蒯祥陸祥俱工部侍郎

左都督吳安封安平

伯 大學士陳循辭考試奏保儒士報允

裁省天

下添設官

二司十二員府佐二十八員州
佐二十四員縣佐一百三員

大學士

陳循子瑛王文子倫入試見黜因劾考官劉儼黃諫

不公取試卷再閱大學士高穀擬上宥考官罪瑛倫

俱准入會試給事中張寧奏劾不報 九月戊辰朔

定浙西官民田徵糧則例 定處州等處銀課

賜祭酒李時勉諡文毅朱臣文天祥諡忠烈謝枋得

諡文節 十月丁酉朔 十一月丁卯朔 命江西

撫臣韓雍聘起崇仁縣儒士吳與弼

御史陳一獨石
選之奏

一獨石

叅政葉盛父憂奔喪起服 朝鮮請遣世子來朝止

之 十二月丙申朔 總兵方瑛破賊寨一百六十

有餘 陞徐有貞左副都協院事

河工
已成

甲寅彗星

見 癸亥 帝有疾星變詔罷明年元會

景泰八年丙寅朔 帝不視朝 壬申宿齋官疾甚

癸酉郊

石亨代
行禮

己卯羣臣請立東宮報以卽視朝

不許 十七日壬午 上皇復位改元天順 帝遷

西宮仍爲邸王 二月癸丑薨葬西山 成化十一

年追復帝號加謚祭如諸陵

成化三年十一月朔門
州學訓導高理奏正統

其宗社危如一髮使非由王繼統國有長君則禍亂

何由而平 鑿與何由而消還迨夫 先帝使碎其食

天之功以為已力者遂加厚誣使不得正終節令祭

祀未備典禮伏望特勅禮官集議追加廟號以盡親

親之恩下部會議會謂邸王繼位六七年間行事具

在實錄其廟號非臣所敢輕議請自 上黃左庶子

參詳奏正統十四年八月冊立 陛下為皇太子至

九月奉 邸王即帝位改元 景泰前後事理有

明至天順元年正月 先帝使位遵 聖烈慈壽皇

太后懿旨仍以景泰為邸王詔告天下人倫正天理

得而名正言順矣高瑄建言乃欲加邸王廟號臣惟

朝廷既立皇太子則異時若天子之位乃皇太子也

會未半月羣臣又立親王為天子則前時所立之大

子將何為哉若曰主少民疑四方多事周成王之時

雖且實有功之叔父何不遂居天位若曰神器久虛

不可無人共和之際周召皆王國之懿親何不共分

輝室特以君臣有定分皇太子為君親王為臣天經

地義氏奠物則截然一定而不可易也今多官會議

伏違苟簡果無定見猶欲煩瀆 聖聰豈臣之所能

喻哉 先帝明並日月北事處置已久人心已定高
隆此言誣 先帝于不明附 陛下于不孝且 陛
下即位之初有罪奉邪寒心狹履及見取同尚輅復
職內閣然後欣然以爲得計又皆私竊效慕希求進
用彼小人者但欲得官豈顧貽患臣聞高瑞此舉非
欲尊禮郡王特爲牽邪違所之地此必有小人主使
之者不然彼草茅疎遠安能妄言上誣 先帝之明
使後世願爲口實今之議者亦豈可不察乎此隱忍
曲從而煩 陛下之議哉疎入 上曰
景泰已往過失朕不介意俱不必行

臣陳建曰 景帝當多難之餘而能任賢選將南征
北距轉危爲安易亂爲治其功不細惟不欲奉迎

英廟而其得歸實由于此蓋無意於迎者乃所以迎不
欲其歸者乃所以趣其歸此意也 景帝不知一時

廷臣不知使當時急于奉迎則彼必以爲我所重在

此則虜必挾留爲質以怵中國如宋之徽欽祈請食
勤而愈不可得惟不急其君而無意于迎則彼以爲
與其抱空質而無用曷若歸之以樹恩此漢高分羹
之謾語所以謬敵而致太公之歸是 英廟之復歸
天也非人謀所及也雖然亦會逢其適值我國家氣
運之盛而胡虜無大志也使遇五胡劉石阿骨打奇
渥溫輩爭中國爲帝國豈如此但已乎於此見我
朝萬萬無疆之休也

臣國禎曰 景皇明于知人任一千尚書天柱已搖
而復定以尚書忠力得君薦一徐有貞不聽至于叩

頭流汗此卽 二祖威嚴何以過之緩迎 大駕因
曰夷性難測以此狃之未爲非策旣代 上皇之位
安社稷虜人悔禍送還居南宮朝賀如儀無易太子
拒絕小人讎間之言君君臣臣父子子可以長世
至病甚度不起復還 上皇雖古大聖人何以加諸
惜乎猜心一起美事不終至聽鐘聲始曰哥哥做好
雖失之晚猶存一點靈機終不失爲明主乃議者旣
以此咎 景皇并以咎尚書夫一祭酒尚不能取必
天位之尊事關骨肉利害間剛愎之主可容外臣置
片語耶

補遺

元年正月給事中林聰等合劾內侍單增下獄

釋

御史朱英劾皇親都督汪全奪民田命歸田于民

六月都督僉事王淳進練兵圖八本頒諸將采用

二年二月捕遼東鎮守內官陳海海以鐵劔與夷人

哈丹易馬被劾又有司禮監高顯情強奪人房屋仍

飾奏法司禁錮

四月切責尚書陳恭

請設柴炭夫
為廷議所駁

九月大同卒吳淮等訟定襄伯郭登部議斬之 章

泰三事一曰願陛下孝朝夕定省以承兩宮之心二

曰願陛下弟以父道尊事 上皇用子道教育儲聖

百凡恩禮無替有隆三曰願陛下武義理所安信之

不疑行之必果醜虜自凜然有虎豹在山之懼用以

克戡大憝且無難者下大臣議謂今 上已行不須

續聽

景泰中之疏惟此爲最文亦古質
教諭可謂賢矣當取其全文讀之

三年正月駙馬都尉石璟被劾免

三月彭時復翰林侍讀

原直閣忤 旨去
至是止供本職

五月尚書于謙進陣法圖

黃帝破蚩尤之陣按井田
而作後孫吳諸葛八陣圖

皆木
之

四年二月增鄉試取士額

三月御史左鼎言四事

修軍政遵成憲汰冗員責明
效又上策異教弊鄉民事

五年正月黃河清自龍門至芮城一色廷臣請賀不

許

二月都給事中林聰等條上八事

四月更定工匠班次

以四年
爲率

六年十月順天府尹王賢滿三考陞正二品俸

七年七月遼東提督寇深乞歸省許之

母年九十
一見而歿

存疑

郡縣人李著以監生爲御史邨王已卽位上書稱啟
稱殿下自稱曰下官召人見呵曰御史醉耶直以正
對曰宜聲罪致討迎還 主上而先據大位失藩王
禮 帝怒下獄誅之臨死命家人勿葬 英廟復辟
傷之牙禮部賜祭乃葬

事不經見且甚駭人名山藏收之此老博洽多聞必
有所據存以俟考

三年太僕少卿黃仕雋極言里老把持害良民及受
賄保留之弊又言巡撫重臣三司所行多被掣肘况
久或變節息終乞勅惟總大綱無親細事惟從輿論

無執私見其事安民安之處可以無設

里老之害宣德中御史何文淵奏聞究治其煩頓息
將及二十餘年此輩非官非吏一裁抑再無能爲豈
謂復猖獗如此三司權本重巡撫初設便多齟齬尤
不便于武官故石亨奏罷黃少卿不曰罷而曰勅語
極渾融抑承平既久官箴漸替事未必安民未必安
則此官不可少惟湏得人以老成靜重爲主得風力
御史佐之尤佳風力者何行于大奸大貪故曰持斧
斧缺爲貴循故事塞責完而歸之京堂開府有摩而

上矣

六年初命太監班佑鎮守兩廣太監鎮守自此始洪武中內官僅能識字不知義理永樂中始令吏部聽選教官入內教書正統初太監王振于內府開設書堂選翰林簡討正字等官入教于是內官多聰慧知文義其時職專辦內府衙門事出差者尚少其後差出者頗多然事完卽回今則干預外政如邊方鎮守京營掌兵經理內外倉場提督營造珠池銀礦市舶織染等事無處無之而內官之權益重

宣德三年陳山張瑛俱尚書大學士明年改瑛南禮部山專授小內使書則內書堂之設不待王振教者

亦非止聽選教職與簡討正字等官也鎮守起于永樂中交趾之山壽宣德元年中官雲仙徃雲南鎮守則又非起于班佑也遣而召還還而復遣隨時隨事其遍于各省爲定例自成化江西始此輩有根已斷中有極慧極狠者在主上駕馭何如然亦不易言矣

皇明大政記卷之十六

臣朱國禎謹輯

丁丑正月十七日壬午 上皇復位 加徐有貞兼學士入閣草詔 執少保于謙大學士王文及內官王誠舒良等付獄 陞許彬薛瑄禮部侍郎學士直閣 癸未加徐有貞兵部尚書 召柳溥等還京 陞袁彬錦衣指揮僉事哈銘百戶 甲申諸大臣辭太子師得許之 兵部郎中蕭總陳汝言並陞本部侍郎 郎 李賓大理卿

丙戌改元天順大赦頒詔 迎 駕功進石亨忠國公

右都督張軌太平侯張輓文安伯都御史楊善興濟伯俱世襲太監曹吉祥劉永誠嗣子弟任各錦衣官

右都羅通自陳脅與密謀報聞 學士尚輅備言

上疏正位本未乞宥不允 丁亥斬于謙王文於市

內臣王誠舒良張玉王勤同斬籍其家家屬發口北謫陳循江淵俞士悅項文曜充鐵嶺衛軍 罷蕭鎡

商輅王偉古鏞丁澄爲民 封右都督孫鏗懷寧伯

董興海寧伯都督同知衛穎等皆進官 欽天監正

湯序禮部侍郎掌監事 奪門官舍旗軍三百三十

一人陞三級大漢將軍百戶六十九人護 駕守門

軍三千七百餘人俱陞一級餘報效宿衛各有差

改春坊官於別署 出左都蕭維禎於南都察院

增石亨祿二千五百石合前四千石 張軌等遍加 進會

昌伯孫繼宗爲侯世襲 取回各處巡撫官命總兵

管理 陞工部侍郎趙榮本部尚書通政鴻臚欽大

衆 吏部尚書王直致仕王朝 減巡河主事三員

景泰年號勿除 禮部尚書胡濙致仕 章綸陞

禮部左侍郎即日 斬前昌平侯楊俊章其子

珍爵戍邊

二月乙未朔 皇太后諡廢景泰帝復爲獻王 災傷

免江北秋糧二十一萬餘石 出定襄伯郭登於南

京 直閣俞綱出佐兵部事 尋調南兵 楊善掌禮部事

令會試正榜不拘名數副榜得授教職 復位與

諸王書頒賜 郕王母吳氏皇后汪氏仍復妃號死

者俱革封 調諸人臣於南及外任 大學士高穀

致仕 吏部侍郎李賢兼學士直閣 減光祿寺厨

料十之二 斬都督范廣 封都督曹義豐潤伯焦

禮東寧伯施聚懷柔伯俱世襲 罷浙江叅政王竑

先以副都 右都李實爲民 故以擊死馬順實以出使錄語多誇誕爲石亨所奏

又奏貶彌巴者九人 安遠侯柳溥等破廣西蠻寇 右都督

李文鎮大同 辛亥日生左右理 靖遠伯王驥奏

父子與奪門功乞世襲許之命驥掌兵部 癸丑郎

王薨謚曰戾免汪妃殉葬與二女出居舊府厚給之

石彪巡大同 陞脫脫孛羅爲都督同知改名和

勇 仍命會試取三百人 贈少監阮浪爲太監

南和伯方瑛尚書石璞大破湖廣苗賊 分遣廷臣

祭諸陵歷代帝王先師獄鎮海瀆 進廣寧伯劉安

爲侯 遣使賜孛來阿哈刺忽知院等 陞學正林

聰左僉都貼黃 賜伯顏帖木兒諭令來歸 以在虜中尊敬

未賀 僉都李秉理江南糧儲 三月甲子朔 陞祭

酒劉鉉詹事講讀孫賢皆補坊局官

加代王祿米

三千石

共請五千石

門達爲錦衣指揮使袁彬指揮同

知耿九疇副都協院

大同堂府事叅政霍瑄陞

工部侍郎

巳巳復長子爲

皇太子第二子見潯德王見澍秀上

見澤榮王見浚吉王

封尚書學士徐有貞武功伯

加李賢吏部尚書

軒輓爲刑部尚書

大賚文武

軍民

書與襄王瞻塏迎入京

以在景泰時兩死慰安

賜膏

民艾文中冠帶

年一百四歲召見又六年卒

徐有貞兼筆蓋殿

大學士

戊寅策貢士夏積等二百九十四人賜黎

淳徐瓊陳秉中等及第出身

主考侍郎薛瑄通泰呂原分考典藉徐必舉人

諫卷徐有貞王璣揚善皆封伯尚書趙榮秀才副都

定深監生得彭部唐珣白昂楊繼宗劉滿王克復蔡

氏悅徐賈劉璋徐源 誅妖言郭貴等七人 致仕右副都吳

訥卒 石亨往延綏勦虜 陞耿九疇右都 起致

仕右都沈固戶部尚書 逮前大同巡撫年富鞫問

無實致仕 石彪奏陷 林聰賑山西 復趙王瞻塙歲祿

三萬石 景泰時減二萬今復 工部右侍郎孫弘往易州相度

采取柴炭 景泰中改真定今復於易州 胡僧雜濫命查實名數

從小旗陳瀾之奏 四月甲子朔 湖廣賊悉平班師 災

傷免浙江糧五十四萬有奇 始給囚犯米每日一

升 冊貴妃周氏及諸妃 改給事中耿裕爲檢討

父九疇爲右都大臣子第避改始此 甲寅襄王至京見武英殿 字

來貢使還至高山站設護卒百人 釋河南按察使

王概 上問襄王得實釋之 虜人寧夏叅將種典戰死 侍郎

黃仕儁協周瑄林聰賑濟 誅妖僧王斌 五月癸

亥朔 召松潘提督侍郎羅綺至京改左副都協院

際郴州千戶盧忠寧夏太監高平 合謀告太監阮浪南城內使王

璠圖復上位皆被殺至 教諭吾豫上疏不聽 乞免綱南

官易皇儲主謀者 罷清軍御史議立條件止令司

及窺于王所用人 府州縣委官清理 乙丑金木二星合於井宿 迤

北亭來以 上復位復遣皮兒馬黑麻來貢 上以
留我使人馬政詰責之母爲邊患 磔前給事中徐

正 右都耿九疇上言五事

一崇廉恥一清刑獄一勸農桑一節軍賞一重

臺

安遠侯柳溥巡邊 段景泰壽陵

特設襄王

護衛 司吏張昭疏劾番且請賑山東直隸下部議

從之 發賑十二萬兩 致仕左都馬昂復任 丙

戌彗星見 寧夏兵追虜敗績 御史楊瑄劾石亨

曹吉祥占據民田令嚴實以聞 驛丞廖莊召至陞

大理左少卿 石亨班師 六月癸巳朔 諸御史

干獄并逮右都耿九疇副都羅綺徐李二閣臣 京

師大風電壞奉天門東吻走下馬牌 巳亥彗星再

見 通叅侍講呂原叅內閣 靖遠伯兵部尚書王

驥致仕 降閣臣徐有貞李賢皆叅政耿九疇布政

羅綺叅政御史盛暉等十二人知縣楊瑄張鵬謫戍

調給事中何玘等十三人爲州判御史吳禎等二

十三人爲知縣尋命復職 招匿名書者寢勿問

薛瑄懇乞致仕允之 贈御史鍾同大理寺丞蔭子

修撰岳正叅內閣 一日贊善 兼修撰 尚書石璞召還致

仕 留李賢復爲吏部侍郎 災變 上親禱內殿

起副都寇深堂院 誅副都蔣琳 在任誅殺太多 梟于貴州一日

坐干謀
得禍酷

陞陳汝言兵部尚書 石彪奏磨兒山之

捷 復命侯伯及內官烙馬

舊解侯伯景泰間以摻
害改御史至是內臣奏

復

七月壬戌朔 虜使皮兒馬黑麻率族屬來歸

資給居之京師 復下徐有貞於獄 丙寅夜承天

門災 都察院逸囚 復李賢吏部尚書學士掌文

淵閣事 調侍郎學士許彬於南禮部 出修撰岳

正欽州同知 災變大赦 前僉都改副使韓雍爲

寧王所奏下獄致仕 陞副都寇漢爲左都御史

軒輓致仕 戊寅彗星犯井宿 世襲侯伯凡五人

廣平侯于袁瑞富陽侯于李典安順伯
侄薛忠成山侯于王琮保定侯于孟瑛 致仕右都

朱鑑請京表賀 上以妄自來京責之促還 調檢

討耿裕爲州判

又調外并點

放徐有貞發金齒爲民

賞勞邊軍 進南和伯方瑛爲侯 都督陳友封武

平伯 封都督石彪定遠伯世襲李文高陽伯楊能

武強伯 都督徐恭管漕及河

開儀真運河

彗星見

八月壬辰朔 調南侍郎許彬爲叅政

尋復

甲寅發

王竑陝西安置 主事陳杰等妄議朝政貶官 陞

刑部左侍郎劉廣衡本部尚書 九月壬戌朔 太

常寺卿夏梟致仕 太常少卿兼侍讀彭時內閣叅

機務 岳正下獄戍肅州

經以奪公注

節孝八人 十

月辛卯朔 給太監王振祭葬立祠 賜宋將岳飛

廟額忠烈 己亥彗星復見 召儒士吳與弼

以行人書

往 乙卯月犯左執法星 丙辰釋建文皇帝子及

吳庶人母楊氏十八人居鳳陽 定京官三品以上

子孫方許入監 王部造石亨第 十一月辛酉朔

右都督衛穎封宣城伯 給陳汝言官軍護出入

左都馬昂理院事

以賑濟
回京

前後蠲山東稅四十

萬石有奇 左僉都王儉往徐州賑濟 加贈大學

士曹鼎太傅改謚文忠 十二月辛卯朔 封曹欽

昭武伯世襲

大監
祿子

安遠侯柳溥佩印率諸將往

其涼勦虜 送先師像於文淵閣 游鎮江府七里

港

漕舟經孟賚頗險至是引江水疏新港達奔牛一百六十餘里尚寶少卿交信之奏太守林鶴督成

之一日七里港多

仍給周王祿二萬石

石四年露壩故蹟

天順二年戊寅正月庚申朔 下兵部尚書陳汝言於

獄

辛庚死

降郭登都督僉事其肅聽調立功 甲戌

郊日月暈俱圓濃厚

己卯上 皇太后尊號曰聖烈慈壽 廣西總兵朱瑛

攻永福賊寨破之 辛巳頒詔大赦 調章綸於南

禮部 起年富南京兵部侍郎 禁陝西鉛鑛 二

月庚寅朔 改馬昂兵部尚書 召致仕副使韓雍

爲大理少卿尋陞僉都 南京暴風拔 孝陵樹木

乙巳封楊信彰武伯鎮延綏 節烈四人 定誥

勅父母不論存沒共一軸并給 乙卯日交暈白虹

相貫 閏二月己未朔 下前侍郎羅綺磁州同知

龍約於獄

綺磁州人以侍郎降奉政誤言不久復職本州州同龍約自京還言于綺云復用官

官追卹王振綺言朝庭失政爲州民所告坐妖二律斬縲之仍籍其家

壬戌 皇第

八子生 查明各衙門職官 虜入廷綏總兵官楊

信擊敗之 三月戊子朔 陞布政陳文爲詹事

倭寇廣東 廣西總兵歐信擊蠻賊破之 下處州

府建誠意伯劉基祠 四月戊午朔 節孝二人

中官辨浙江福建雲南三省銀課 籍沒私販田琮

等及通同縱容鎮江指揮吳欽等 召南畿巡撫李

秉還京 皇太子講學文華殿之左坊 陞參政葉

盛爲僉都 復設巡撫官 召南兵部侍郎年富於

戶部尋命巡撫山東 右副都白圭贊湖貴軍務

右僉都陳信巡撫遼東葉盛巡撫兩廣 五月丁亥

朔 錦衣衛囚逸 尋獲之乃番僧
及犯邊違誤 與濟伯楊善卒

復張楷僉都致仕 器皿厥火 謫戍陳汝言羅

綺子弟 總兵官非宜召不許入朝門 停廣東取

回達官 嚴自宮之禁 壬寅處士吳與弼入見命

為右諭德辭

賜宴文華殿

繪南京地圖進覽

凡山川形勢皇城殿

宇內外衙門御道悉具初進狹小改大樸闢本貼說

芮釗撫甘肅陳翌撫寧

夏工宇撫宣府皆布政改副都左僉都李秉撫大

同被災地方糧稅十分減四鄧州獻瑞麥

有一董七

德者召石彪還京節孝六人江西大雨水六

月丁巳朔逮家居僉都蕭啓

族人暴橫為人所奏

涼州兵

連破虜崔恭副都撫南畿巳卯驟雨雷震大祀

殿春吹七月丙戌朔致仕知府揭稽許鄉主事

何喬新俱逮赴鞫

吏書何文淵因撰易圖語書自縊稽受業門生也以巡撫降知府致

仕託其子喬新所逼喬新亦奏黃劫處士吳與弼

易儲奏實稽起草

上怒俱逮尋釋

三辭歸允之仍行人護送 革寧王護衛 罰刑部

尚書劉廣衡傳

曹吉祥所誣

廣衡字來犯邊 石彪往

寧夏勦虜 白虹見東方 起僉都張楷理陝西軍

餉 八月丙辰朔 復遣清軍御史 虜屢入涼州

柳溥召還奪太傅

黎虜敗績

重修大明一統志 清

翰林官 九月乙酉朔 命方面官推兩員點用

起尚書軒輓左都督南諸 十月乙卯朔 禁差出

官較索詐 廣東兵破海賊 劉廣衡疾歸

卒

布政

陸瑜代 己未太白晝見 甲子 駕幸南海子

斬內使趙榮二人

匿名帖告人罪

杖鷹坊出獵內官

索詐有司

十一月乙酉朔 鑄平虜靖虜平胡將軍副將軍

印 報效子弟六千人立忠義營 改耿九疇南刑

部尚書 客星生芒犯權位西北星 免山東被災

糧五十餘萬石 十二月乙卯朔 廣西賊流劫廣

東 蔭祭酒李時勉孫一人入監善例所無 開薊

州運河百戶開 節孝七人 建齋宮於社稷壇夜

明日 行禮 庚寅罷舉保經明行修賢良方正儒士 勒

祭酒陳詢致仕召叅議劉益代

天順三年己卯正月甲申朔 石彪楊信破虜於安邊

都督周 辛亥慶遠府同知葉禎擊賊被殺 採珠

廣東 二月甲寅朔 甲戌月犯南斗 旌孝子姚

文 三月癸未朔 下命都李秉於獄勸爲民

以節 隋代

內官并前保舉屬 官皆石彪所中 四月壬子朔 增建南內殿宇

賜東宮及諸王莊田 己巳進定遠伯石彪武平

伯陳友皆爲侯 白圭方瑛勸東山苗破之 五月

壬午朔 改建浙江試場

即城東廢倉地爲之 舊場文仁和縣學

庚

戌致仕南祭酒陳敬宗卒 六月辛亥朔 命巡撫

仍八月赴京議事 七月庚辰朔 布衣陳真展上

書報聞 八月庚戌朔 下石彪錦衣獄

謀鎮大同 令人奏保

戒論文武羣臣不許阿附交通武官指揮而下不

得侍候公侯之門 給事中陳嘉猷行人彭時冊滿

刺加國王 九月庚辰朔 出石亨親屬官京衛者

於外 革奪門冒功降吏部左侍郎孫弘等官 革

都督杜清管餘軍新陞官還舊任 乙巳金木星合

于角宿 丙午建安縣老人賀煬言四事議行一縣令民

生休戚所關年老監生庸儒多貪者宜令致壯惟舉人進士監生強壯者試其才銓選并應選有德者薦

舉一名賢之後世舉博士者宜照品給廩給一積增職事文廟者宜給以恩誥一義舍不許棄捐戶涓名

代 節孝十二人 十月己酉朔 修築順聖川土

城二座馬房下餘間起復韓雍林聰巡視皆丁憂起 忠

國公石亨門住 奪門冒功者許自首改正 索石

彪弟慶于石亨所 己未幸南海子 壬申月行太

薇垣中 湖廣荒旱修議賑卹 十一月己卯朔

南內宮殿成 命內閣儒臣宴賞 己巳賜大學士

李賢第 徵還遼東巡撫程信 十二月己酉朔

命奏請不許用奪門二字 左副都胡本惠撫遼東

老人賀煬復奏學校事 上嘉之令巡按布政及

分巡照提調學校例考之 定方面官入班遞降京

官一等 節婦九人 都督李震鎮湖廣

大順四年庚辰正月己卯朔大觀 造輕車火鏡炮給

軍 丁亥郊 學士呂原等十九人郊時馬入西天

小門 上令禮科糾劾宥之著爲令 虜入榆林彰

武伯揚信擊敗之 戊子致仕大學士高穀卒 改

僉都程信太僕少卿 彈指揮夏霖坐素事不實寇濬之奏 下石亨錫

衣獄籍其家 考察朝覲官 旌異布政買銓而下

十人 二月戊申朔 戶部尚書沈固致仕 致仕

尚書學士苗衷卒 重造大典龍寺 癸亥石亨死

獄中 給靈州土官俸 丁卯石彪斬於市 并誅亨之臣孫

進士 癸酉 駕幸南海子 陞右布政蕭暉禮部

尚書 召年富于山東爲戶部尚書 布政買銓歷副師代 濟

吳淞江 誅海康縣亂民唐子汪 柳妄奏考官舉

子於禮部門前 三月戊寅朔 策貢士陳遐等一

百五十六人賜王一襲李永通鄭環而下及第出身

有差

學士呂原登撰柯潛主考得劉健陳遐張元祿
張悅高程黃孔昭

廣西兵破賊 免開封府糧十三萬餘石

增宣大管糧郎中一員 遷劉徎等十五人爲庶吉

士 允進士依親讀書 甘露降于大原府學 辛

卯 上幸仰山窪 四月丁未朔 內臣鬪辨各省

銀課 停三品以上子孫奏請入監者 壬子襄王

瞻埽來朝 乙卯百官朝襄王於邸 謫學士倪謙

戍邊

謙主北試受業門生黃黻落榜復恨職緝事人
告謙前使連府與庶人資裝及儀賓魏王等草

奏求復
受賄

除蘇松無收秋糧四十一萬

燕臣峯
赤之奏

定

各王府繼室生子八歲方許請名 朝鮮貢白雉

乙亥襄王辭歸

此來恩
禮尤厚

五月丙子朔 起致仕戶

部侍郎張廡督理京儲 免畿南浙江糧三十三萬

餘石 萬安縣民羅學淵上詩三百餘首妖言禁銅

丙戌靖遠伯王驥卒 勅羣臣所受景泰君鑑錄

還官 停蘇杭織造

罷忠義營

石亨
所立

六月丙午

朔 論止朝鮮子弟入太學者 七月乙亥朔日食

徵逋逃工匠三萬八千餘名 金星犯左執法

丁亥 上不豫免朝 甲午 上視朝 湖廣饑停

內官所造紙劄 丙申清軍御史郭本降外一級奏

還各總鎮所著京衛官較以于豫別率執治降主簿 江南北湖廣河南大雨徵

水 降工部侍郎翁世資爲衡州知府請派 八月織造

甲辰朔 宜大虜寇命朱永帥師巡邊 戊午 上

親諭戶部行撫按驗災傷賑濟 禁假官轅行事害

人 左通政尹旻給事中王豫冊封安南國王 虜

敵會昌侯徐繼宗整京軍聽征 河南按察使王概

復職既得白復職 乙丑西北黑氣摩地而上

己巳光祿寺火 南刑書耿九疇卒蕭維 畿內驚

傳虜至奔避遣錦衣衛御史慰安之 九月甲戌朔

西苑殿館成 上臨幸召大臣遊賞 虜圍大同右

衛 楚府火 蠲江西秋糧四十一萬餘石 給事

中王有霖行人劉恕封占城國王 湖貴總兵李震

討妖賊李天保敗之 十月癸卯朔 節婦十一人

甲子 上幸西苑閱射十一月丁酉再閱 壬申不水金

星聚于氏宿 十一月癸酉朔 召南禮部尚書石

瑁于禮部改蕭垣往赤 楊信改鎮大同 兩廣兵破賊

韓雍巡撫宣大 閏十一月癸卯朔 起致仕工

部尚書石璞為南左都 旌都指揮王勝廉孝 庚

戌幸南海子 欽天監失推月食掌監侍郎湯序降

太常少卿 己未幸鄭塢村閱馬 十二月癸酉朔

增造歲曆五千給司禮監 廢寧府臨川王盤燁

及其子奠埜爲庶人 勅捕貴州蠻寇 節孝十四

人 放徐有貞回籍 下高陽伯李文於獄

守大 同不能

禦 丙戌太白晝見

天順五年辛巳正月壬寅朔 設廣東糧儲議一員

旌節孝十二人 還大同郡王六府於蒲澤等州

賊首邵瑄妖賊李天保等伏誅 廣東數報破賊

二月壬申朔 安南冊使未至召還

其國黎琮墓 試詭請封國

人不服 免山東糧二十四萬餘石 增廣漕運諸

日盡

開 都督僉事顏彪總兵征兩廣徭賊 三月壬寅

朔 貴州叅將劉玉勅西堡夷 湖廣總兵李震勦

徭獍悉破之 免蘇松四府糧五十三萬餘石 節

孝九人 開松江荒田南起撫劉
改之奏 南朝天宮災

四月辛未朔 築滄州城 虜寇莊浪擊敗之 都

督同知和勇領兩京達官旗軍往兩廣協顏彪討賊

議汰冗食 大明一統志成 致仕侍郎錢習禮

卒 兵部侍郎白圭督陝西各邊禦虜 召程信爲

刑部侍郎 五月庚子朔 虜犯宣府 免河南糧

二十六萬餘石 廣東南雄知府劉實逮死獄中 太

義可力
所附

戈陽王莫璽母子勒自盡

大雨三尺
人皆索之

六月庚午朔

虜酋李來寇河西莊浪等處兵部尚

書馬昂懷寧侯孫鏜統京兵赴陝西勦之左通叅尹

旻督餉

陞廖莊南禮部侍郎

採訪情重者免逮

巡按提鞠

弘農指揮李斌坐

謀反誅

門達所陷陸
瑜救免餘黨

壬辰災變歲饑停雜項采辦

淮揚至山東等府暴
雨鳳陽至應天等處

亢旱

七月己亥朔夕陽忽東方黑氣起蔽天

庚子

太監曹吉祥及其任昭武伯曹欽反討欽斬之吉祥

下獄伏誅太常少卿掌欽天監事湯序從坐籍沒

河決汴梁土城及磚城北門

上海縣暴風驟雨海

潮衝溢溺死一萬二千五百餘人浙鹽場死者二千三百餘人 蠲應天等府糧五十九萬餘石 丙午
彗星見 庚戌以平賊詔赦天下 工部右侍郎薛
遠視河南水患 懷寧伯孫鏗進封侯 征西兵停
行 蘭縣守備右都督馮宗佩印總兵 起王竑左
副都與兵部侍郎白圭往陝西督軍禦虜 加會昌
侯孫繼宗太保 虜酋孛來三上書求遣使講和命
指揮詹昇寶顯充正副使以行仍勅諭厚賜之 八
月戊辰朔 河決開封府堤 李賢馬昂俱加太子
少保 李賓爲右都御史 宥岳正爲民 九月戊

戊朔 壬戌京師地震 十月丁卯朔進大統曆

十一月朔日
食移之

復設南京飯堂 奉寧侯陳涇鎮廣西

虜入河套 十一月丁酉朔日食 都督僉事李

震仍鎮湖廣 都督同知張泰仍鎮寧夏 修南都

察院園子監 復設提學憲臣 壬戌幸南海子

再 十二月丁卯朔 釋陳循爲民 程鄉賊羅寧

張福通等作亂攻掠旁邑 湖貴分設總兵

天順六年壬午正月丙申朔 廣寇攻焚揭陽等縣

白圭王竑等巡邊破賊 指揮使虜者還字來遣使

朝貢 勅諭提學官 虜立脫思爲阿汗 兩廣總

兵顏彪等攻大藤峯賊破之 二月丙寅朔 皇第

九子生 丙子 上有疾不視朝 丙戌建東安東

上二門 庚寅 上視朝 侍講學士錢溥給事中

王豫冊安南國王黎灝 三月丙申朔 戶部尚書

年富父憂奔喪視事 緝捕鹽販并加招撫 征西

諸將還京留王竑提督 疏濬淮安以通運河 免

河南糧二十八萬有奇 四月丙寅朔 南和伯方

毅有罪革爵 泰山屢震詔東宮選婚 江浦縣火

給事潘榮行人蔡哲往琉球祭吊冊封 揭陽縣

沿海民作亂殺指揮劉琛 五月乙未朔 端午節

御製詩二章題扇賜文武堂官 顏彪勦獠賊有功

賜勅獎諭 禁內外酷虐刑具 四川兵破長寧縣

洞賊 六月甲子朔 戊辰淮王祈銓來朝 祭酒

劉益下獄贖還職 釋奠用官鈔 起僉都李秉於南京

湖廣總兵李震連破獠賊 寧夏大同兵擊虜走之

七月甲午朔 妖人宋普貴等伏誅 丙申淮王

辭歸 淮安海溢溺死鹽丁一千三百有餘 樂平

王冲然徒封韶州 贛州會昌縣亂民朱紹綱伏誅

湖廣兵擒賊阿同等 八月癸亥朔 學士呂原

憂去 葬 九月壬辰朔 乙未 皇太后孫氏崩

增儀制司主事一員 丙午 上始御西角門 羣

臣行奉慰禮 戊申始視朝 致仕吏部尚書王直

卒 項忠吳琛巡撫陝西甘肅 含山太長公主薨

駙馬尹清 高皇弟 十四女年六十八 十月壬戌朔 丙子晝夜日

月色俱赤 停成造龍鳳磁器 海溢免兩淮鹽課

三十萬引 十一月壬辰朔

甲午 章皇后合葬景陵 字來挾朶顏三衛入貢獻

捷請從獨石入許之 己巳進大統曆 寧夏兵擊

虜破之 十二月辛酉朔 癸卯陞兩廣贊軍御史

吳禎為僉都撫廣西葉盛專撫廣東 起按察使王

陞爲副都撫陝西 乙丑復劉玉都督僉事鎮涼州

先以吉祥

修曲阜孔廟 召副都王荻入京

山東巡撫

黨坐殿

賈鈞 加賜虜酋字來 定南京馬快船不許多撥

兼管

調南刑部尚書蕭維禎南兵部叅贊

近革復設

起李

匡左僉都撫宣府韓雍專撫大同 節孝十二人

乙酉 上有疾不視朝

天順七年癸未正月辛卯朔 上御殿受朝如常儀

丙申享太廟

皇太子行禮

壬寅月生連環暈 丙午郊

兗陵成宴 考察入覲官 陞吏部左侍郎姚夔禮部尚

書 下汀州府祀推官王得仁

得仁先爲經歷廉能剛正滿考詳陞推官

能理冤獄盜起屢立功官軍掠民爲力
辦釋數百人追賊疾革卒氏絕像立祠

廢遺府奉

國中尉豪坨爲庶人

洛暴
毀母

二月庚申朔

詹事陳

文陞侍郎兼學士叅內閣

戊辰大風至晚試院火

舉人死者七十餘人改試於八月

下禮部侍郎鄒

幹等於獄尋釋之

提調監試官
降調有差

國子監丞閻禹錫

下獄

請贖共死舉人
爲進士波勒

給事中孔公恂郎中司馬恂

俱陞少詹事

李賢所厚稱爲孔子司
馬光之後宜侍東宮

三月庚寅朔

重造曆日印

上杭賊平

下詔寬恤

以舊冬
少雪

廣西總兵過興子得隆杖殺祁陽知縣李翰俱坐斬

左副都王竑督漕

陞兵部右侍郎白圭工部尚

書 四月庚申朔

己巳建弘仁橋

在南海子東橋外

內

臣往蘇杭織造

召韓雍爲兵部侍郎

修襄陽老

龍隄

都布按三司僉名以品爲序

陞王越撫大

同

五月己丑朔日食

斬裕州知州秦永昌籍其

家

貪暴爲州民所奏

大理寺卿王宇卒

六月己未朔

遣迤北報使

旌西安知府余子俊

七月戊子朔

釋左都督羅秉忠

忠賊反下獄自陳至朝房夫馬不能出非從反者釋之

陞新會縣丞陶魯本縣知縣

蠲陝西秋糧子粒九

十一萬

閏七月戊午朔

甲戌追上廢后胡氏謚曰恭讓誠順康穆靜慈章皇后

老人星數見 副都陳价撫寧夏

鑿薊州三河通運

御史李敏之奏

文職子孫乞恩者俱不

允 八月丁亥朔 允懷寧侯孫鏗辭掌三千營

乙巳夜火星犯南斗 復海寧伯董興世襲 乙未

會試取吳錢等二百五十人

二月主考侍郎陳文少詹柯潛今改侍讀學士

彭時發溥

丙辰致仕尚書胡濙卒 九月丁巳朔 捕

四川妖賊悟貞等 辛巳爲民右都李實下獄籍其

家

鄉民訴其基橫

廣東巡撫葉盛請調達軍勦捉賊賜勅

切責 十月丙戌朔 南祭酒吳節十二年考滿辭

職不允 販鹽大盜劉清伏誅 賑陝西糧一百八

十萬餘石 甲辰雨木冰 十一月乙卯朔 收袁

彬下獄 調南錦衣衛 劉軍匠楊墳于獄 廣西賊入

蒼梧縣 大掠致仕布政宋欽論之被殺 右都李賓

副都林聰下獄尋釋 以僉事包瑛 黨中繼死 虜使入貢馬三

千疋進京者千人 留邊者八百 十二月乙酉朔

刑部尚書陸瑜侍郎周瑄程信下獄尋釋 以初無積 子視

辛丑 上不豫免朝 甲辰進春 上御殿受之

節孝七人

天順八年甲申正月甲寅朔 朝賀如儀 乙卯 上

不豫免朝 巳未命 皇太子視事文華殿 孟春

享太廟

甲子郊

皆介昌侯孫
繼宗行禮

賊入廣東清遠衛

執僉事江之鼎

己巳

上大漸召論

皇太子百日外成婚

皇后錢

氏名位素定當盡孝養德王等俱與善地殉葬非古

眾妃俱免殉

皇后他日合葬遷惠妃諸妃次第祔

葬明日

上崩頒遺詔

五月庚申葬

裕陵

臣吳士奇曰 上之嗣位方在冲年奄振竊權遂致
播遷林年虜庭七載南內險阻備嘗既復當陽躬親
萬幾釋建庶人上 恭讓皇后謹誅曹石黜有貞愍
言官徵處士閱諸將李賢焚樞密王躬主銓衡年富

領度支姚夔司典禮韓雍項忠葉盛爲撫臣特簡二千石雜鳴服冕敬天肅 祖拜跪有常加以節儉戒侍臣無忘南宮時蓋興廢之際若或使之而危乎之幾又若或厲之至夫大行 遺命勿以生殉則已通幽明之故破死生之迷匪獨仁心爲質也

臣國禎曰土木之陷王振之罪不必言矣然復辟而立祠賜額致祭可見此行原出獨斷直視虜易與一出長驅如 祖宗故事振輕窳小人從患且竊權欺壓文武大臣擅進退卽英公老將不克效一籌以致于敗天傾地裂惟此時爲然幸神明呵護我一時材

臣猛將兵事大飭嘿奪虜心不迎而送不要挾而順
從山川如故天地復完豈非亘古來至危而安至險
而夷至奇而平之事乎既馮祖德亦仗天威然
威能得之也先而不能得之介弟想精神激射景
皇見而懾懾而疑又人心歸附擁戴有芽以至防閑
隔絕似有物焉擾之而不有廢也其何以興啟門登
輦陰胸開星月霽此豈人力也哉股憂啟聖七年善
政不勝書釋達止殉葬尤爲卓越李賢會逢其盛
岳正適遭其窮居功者反以功禍奉侍者終以侍遷
英之爲英睿之爲睿至今思之凜凜已

補遺

元年六月陞進表人賀叅政程信爲太僕寺卿

二年二月石亨曹欽等言太僕寺急徵諸衛馬非便
請隸兵部太僕寺卿信執奏止之 毀孫顯宗廕肆

孫顯宗之弟
乞恩不許

四月 勅曰近聞皇親公侯伯文武

大臣中多有藏匿罪人亡虜有令家人強占外州縣
軍民田地有起蓋房屋把持行市有詭名中鹽挾制
官司者夫京師天下本貴戚近臣四方觀效欲無干
朕憲在守位循禮比會昌侯弟顯宗侄璘造房市利

朕不敢用外戚故屈法諸臣有犯首免罰無赦家人皆永戍邊方 十二月李紹爲禮部右侍郎

三年二月建州夷酋董山密附朝鮮詰問謝罪 七月

月巡撫崔恭奏復周忱徵糧則例 八月田州頭目

呂趙殺知府岑鑑 修武伯沈煜給事中嚴實封潛

王幼學受饋 上使教尉覘得之下獄書諭諸王

五年五月莫璫之獄遣副都李廣駙馬柳錦與遂臬

徃勘竟爲臬所把持不能白 六月懷寧伯孫鏜佩

平虜將軍印西征右都督馮宗克副總兵都督僉事

總政趙勝克左右叅將統京師騎兵萬五千河南兵

二萬往征值曹賊之變鐘與京兵皆停惟馮宗佩平虜副將軍印克副總兵趙勝克左叅將都督僉事李果克右叅將督河南兵前進白圭王竑贊軍宗方爲蘭州守備竑家河州得命嚴兵待戰虜不敢入圭與諸將既至巡邊破虜

六年二月戶部侍郎楊鼎請漕運三門之上小河涇通延綏從之并罷陝西屯兵

七年二月晦夜空中有聲如雷 十月濟溼陽鄭白

故渠

上旣信任李賢語及奪門事大悟

賢傳

遂疎

石亨曹吉祥等誅夷不少貸仍諭賢曰左右羣小見

吉祥敗稍欲踐近又放縱朕恒戒之曰卽如吉祥未嘗無功一旦犯法不得赦朕未嘗敢忘南城時又曰朕五鼓拜天地雖足疾不廢拜畢閱章奏亦拜于

八廟出則視朝退朝 母后畢復視政旣罷進膳飲食未嘗揀擇衣服亦隨宜雖衣布天子也又曰朕官中讀書觀射如鐘鼓司承應朕唯時節奉 母后無

事並不用因與賢論六部尚書庶皆得人但慮吏部王翱老矣時期年七十八歲賢曰臣聞祿命之說朝壽最高尚有十年 上曰如此無慮如戶部年富不易得賢曰繼翱吏部非此人不可 上曰然朕意亦

如此惟禮部石瑁稍弱賢曰此人居是位不滿人望
早晚宜致仕 上曰且留之恐後來者未必過之刑
部陸瑜甚佳都御史李賓亦可如工部趙榮亦能辦
事賢曰此人可取且如曹賊反時文職皆畏縮逃避
榮自奮披甲躍馬呼於市曰好漢皆來從我能於陳
前鼓舞獎勵士卒滅賊成功如此存心行事人莫能
及 上曰是亦忠臣若吏部侍郎姚夔崔恭亦佳賢
曰二人才器異日皆尚書之選 上曰然餘問答甚
多一時聖明僅見不能悉書也

存疑

元年六月曹石訴閣部科道皆下獄閣部降外復命
吏部嚴御史給事中年三十五以上者留任事三十
五以下皆外調於是調者四十餘人

其時調十二人戍者二人無四十人之多調者又以
年爲限何居豈例自此而起行之至今耶

十月 勅賜中外寺額凡四十一月賜又如之

英宗未聞好佛崇重建立寺宇抑蒙塵時各寺禪師
尚師等禱祐旣返駕居爲功德以此酬之耶觀監生
姚顯之疏事或有之

五年十二月京師多盜命盜發執巡城御史下獄錫
衣官鞍及兵馬司官皆鎖項捕盜著爲令

捕盜自有正律卽嚴其禁亦惟申飭巡徼不獲者治
罪乃若盜發卽下獄瑣項恐無此理且著爲令亦從
未之間

送先師并四配飾金銅像置文淵閣閣在午門內之
東文華殿之南學士所居議政處舊無椅及公座惟
東西兩椽相對李賢由吏部入欲循品秩設公座如
部堂之儀彭時不可曰宣德間 駕嘗至此中坐以
此不敢南面設坐賢曰事久矣今設何妨時曰此禁

地非宜賢愠曰烏有居是官而不正其位者乎時曰
正位在外諸衙門則可在內決不可如欲正坐則華
蓋武英諸大學士當何如耶賢語塞猶未已既而

上遣太監傅恭送銅範飾金孔子并四配像一龕來置
閣中賢乃止自是閣臣每晨入必對像一揖朔望率
翰林官行四拜禮又沈晴峰太史曰 章皇數幸文
淵閣故至今設一金龍柱于中

內閣 宣廟以來舊事李賢豈不知乃欲循品秩設
公座如部堂之儀閣凡五間其四裝格糊紙各爲室
中設宋卓便閣臣退坐猶不足泚一楹分上下二室

上猶明爽下除一走路不辨日色正晝燃燈中堂一間若如部堂公座只可設一最小亦三而止故前用兩椀中用一長卓列坐票擬後懸先師四配畫像像前一供卓所餘地無幾矣大內無南面之理卽六部院司寺以下皆然况其地有限李賢必不如是之懸飾金銅像或先賜而後易未可知所謂金龍柱者亦未之見太史諱懋學平湖人隆慶戊辰進士蓋亦得之傳聞也